



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Schefferi Argentoratensis De Re Vehiculari
Veterum Libri Duo**

Scheffer, Johannes

Francofurti, 1671

Cap. III. De Ferculis.

urn:nbn:de:hbz:466:1-13156

nas, & bobus, qui jungantur ad vehicula, mulis vero, qui utrumq[ue] faciant, camelis denique, qui portent utensilia. Ita verto locum hunc, ab interprete minus clare redditum. De camelis dixi quoque ad Mauritium nostrum, qui & ipse facit mentionem aliquam eorum ad hos usus. Jam quoniam jumenta isthæc omnia in bellis sua præstabant ministeria, hinc & jure postliminij recepta. Cicero hoc nominatim docet de mulis in Topicis. *Postliminio*, ait, *redeunt hæc; homo, navis, mulus clitellarius, equus, equa, que frena recipere solent.* Mulus clitellarius non quilibet, sed qui sarcinas & onera gestavit in militia, captusq[ue] fuit, hic intelligendus est. Ac de tali loquitur & Gallus Ælius apud Festum. Verba Festi hæc sunt: *Postliminio receptum Gallus Ælius in libro primo significationum, quæ adijs pertinent, ait esse eum, qui liber ex qua civitate in aliam civitatem abierat, in eandem civitatem reddit ex jure, quod constitutum est de postliminio.* Item qui servos à nobis in hostium potestatem pervenit, postea ad nos reddit, reddit in ejus potestatem, cuius ante a fuit, jure postliminij. *Equi, & muli, & navis eadem ratio est.* Ita lego & distinguo Galli verba. Liquet autem satis, sermonem esse non sic universum de mulo, sed de clitellario, eoq[ue] qui gestavit sarcinas in bello, aut vehicula & currus traxit.

Cap. III. De Ferculis.

Fercula, unde. Fercula cænorum, triumphorum, funerum. Fercula cænorum qualia. Calepinus & Stuckius notatur. Cibi plures in uno ferculo. Ferculum componere, struere. Compositores, structores. Repositorium. Bayfius notatur. Plinius emendatur. Epulæ ingentes. Lampridius exponitur. Dapes ingentes. Emendatio Salmasij revellitur. Ferculi figura rotunda vel quadrata, item simplex vel duplex. Theca repositorij. Ornamenta ferculorum. Vrbinus refutatur. Repositoria non sunt mensæ. Quomodo illata mensis, missus. Fercula ovantium qualia. Livius explicatur. Fercula spoliorum in pompa triumphali. Ferculis impositi homines. Quomodo portata. Onuphrij picturæ falsæ. Fercula ludorum. Torrentius rejicitur. Dio explicatur. äppuæ ðor.

Dio

Dio emendatur & explicatur. Pulpitum in scholis & theatris. Pompa quid. Cicero exponitur. Ferculi sunt nulli. Nizolius refutatur. Imagines motæ ab hominibus intus latentibus. Apulejus explicatur. Dij incedunt pedibus humanis. Portare Anubin. Signiferi. Noxij ad hoc negotium. Induere deos. Latere sub pompa. Seneca explicatur. Πορπη. Fercula funebria. Fericula. Fercula. Dio notatur & Casaubonus, & Argolus. Fercula pro muneribus & donis in funere. Feretra. Suetonius exponitur. Casaubonus denuo notatur, & Torrentius. Suetonij lectio vetus defensa. Lectum funebrem præbat imago defuncti per vivum hominem expressa. Ferre alicujus personam, induere. Persona imponitur. Plinius explicatur, Dalechampius rejicitur.

VEnio ad genus aliud, quod gestari solet, non in dorso, ut liquet postea, verum humeris ac dextris. Fercula vocarunt, à ferendo, quod ferantur. Nam ut ab *operio, operis*, est primo *opericulum*, & per syncopen *operculum*, sic plane & à feroferis est *fericulum* primo, & deinde *ferculum*. Erant vero talia primum fercula cænarum de quibus Suetonius in Augusto cap. 74. *Cenam trinis ferculis, aut cum abundantissime, senis præbebat*. Deinde fercula pomparum: quales primum pompæ triumphales, in quibus fercula. Suetonius iterum in Julio cap. 37. *Pontico triumpho inter pompæ fercula trium verborum prætulit titulum; veni, vidi, vici*. Deinde pompæ ludorum sacrorum. Idem eodem libro, c. 76. *Sed & ampliora etiam humano fastigio decerni sibi passus est, sedem auream in curia & pro tribunali, thenam & ferculum Circensi pompa*. Postremo & pompæ funebres, in quibus ipsis fercula quandoq;. Suetonius rursum in vita Cai. c. 16. ubi loquitur de matris ejus fratrisq; cinebris. *Per splendidissimum quemq; equestris ordinis, medio ac frequenti die, duobus ferculis Mausoleo intulit*. Qualia fuerint omnia hæc fercula, nondum evidenter satis traditum à viris doctis opinamur. Ac de ferculis cænarum quidem valde sunt incerti. Fulgentius exponit missus carnium. *Ferculum, ait, missus carnium*. Petronius Arbitter: *Postquam ferculum allatum*. At alij accipiunt pro cibis ipsis. Stuckius in Antiquitatibus convivalibus: *Dapes sive cibi, qui app-*

nuntur, *fercula Latine dicuntur. Ferculum, teste Nonio, est missus cibi, ita dictus, quod mensa inferatur.* Unde habeat hoc Stuckius non satis scire possum, apud Nonium profecto ipsum nihil tale invenias. Quare suspicor, secutum Calepinum, qui similiter: *Ferculum, teste Nonio, missus cibi, ita dictus quod ad mensam inferatur.* Sed confundit Calepinus Nonium cum Fulgentio. Deinde missum cibi vocat, quod Fulgentio est missus carnium. Postremo missum cibi putat ipsum cibum. Ac ne videatur sine auctoritate hoc facere, subdit locum Juvenalis ex Sat. I. ubi Poëta:

— *Quis fercula septem
Secreto canavit avus?* —

Nempe quia hic *cenari* fercula dicuntur, utique significare cibos arbitratus est. Atq; sic collegit ex hoc loco ille etiam, qui Forum Romanum concinnavit. *Ferculum, ait, dapes dicuntur.* Sed videlicet non observarunt, Poëtam figura receptissima posuisse fercula pro cibis, quæ in ferculis apponebantur. Quomodo & mensas usurpavit alicubi hac significatione, atque alij fecerunt. Nam & *tenuem mensam* Horitius, & *opimam mensam* Silius ita usurparunt. Quare fercula non magis erunt cibi dapesq; quam mensæ, si quid proprie significarint, quæras. Fercula fuere tabulæ ligneæ latiores, quibus vasa plura ciborum una vice imposita inferri mensis solebant, ita à ferendo dictæ, quia eis ferebantur cibi, mensæ impendi. Docet omnia egregie Petronius, quando ita loquitur. *Laudationem ferculum est insecum, plane non pro expectatione magnum, novitas tamen omnium convertit oculos.* Rotundum enim repositiorum duodecim habebat signa in orbe disposita, superq; proprium convenientemq; materiae structor imposuerat cibum. Habet hic manifeste ferculum, nec nisi unicum, in eo tamen cibos duodecim, suis comprehensos patinis, pro signis duodecim, quibus ferculum fuit pictum. Ergo unum ferculum non unius tantum fuit cibi, vel unius patinæ, sed plurimum. Atq; sic accipiendum est, quod habet Servius ad Æn. I, ex Catone; & in atrio, & duobus ferculis epulabantur anti-qui. Item quod de Augusto memorat Svetonius c. 74. *Cenam trinam ferentis, aut cum abundantissime, senis prebebat; ut non nimios sum-*

ptu,

ptu, ita summa comitate. Non tres patinæ hic sunt intelligendæ, sed tria fercula, singula patinarum plurium, per tres missus cænæ illata. Nam sermo est non de cæna quotidiana, sed convivio, in quo, quis credat Augustum tam opulentum eo præsertim tempore, quo luxuria pars magnificentiæ habebatur, tria tantum genera ciborum voluisse apponi. Et igitur ea fercula Svetonius fuisse ait sumptuosa, *sumptu licet non nimio*, ut sunt ejus verba. Deinde habuit Petronianum illud ferculum cibos illos *impositos*, & quidem per struñorem, cuius fuit officium, cibos & patinas decenti ordine disponere. Martiali hoc est *ferculum componere* lib. V. Sat. ubi ait:

— *Veniet, qui fercula doce*
Componat, veniet, qui pulmentaria condit.

Et *compositores ferculorum*, ordinatores, ciborum in eis collocatores. Servius ad Virgil. I. *Struere, ordinare, componere, unde structores dicuntur ferculorum compositores.* Atq; quoniam sic ordine repositos habebat cibos ferculum, ideo & à Petronio *repositorium* est dictum. Nam *repositorium* nil aliud, quam ferculum, quod hic locus evidenter docet, in quo quod ante ferculum, statim post *repositorium* vocatur. Bayfius accepit pro tripode, qua sustineatur mensa. Verba ejus in opusculo de vasculis: *Repositoria, à reponendo dicta videntur, in quibus reponebantur mensæ, quæ fortasse inde trapezopbra dicuntur.* Addit verba Plinij, quibus probet hanc sententiam ex lib. XXXIII. *Iam vero & mensas repositorii imponimus, & ad sustinenda opsonia interradimus litera.* Sed est sine dubio vitiosa ea lectio. Nam sermo ibi est de vasis argenteis, ad quæ nil profecto ista verba. Quare nihil dubito emendanda esse ac legenda in hunc modum: *Iam vero & in mensas repositorii imponimus.* Vasa intellige argentea, de quibus ante loquebatur. Sensus optimus, & mutatio nulla, tantum revocatur in ex sequenti voce, cuius prima littera totidem constans lineolis, absorpscerat. Dicit, *imponi* vasa illa argentea *in mensas*, & quidem cum *repositoriis*, in quibus scilicet disponebantur plena cibis. Atq; ita consuevisse docet ipse lib. XVIII. c. 35. quando ait: *Vasa, quibus esculentum additur, sudorem repositoriis re-*

linquentia, diras tempestates prænunciāt. Vocat vasa cum esculentis, sudorem relinquentiarepositoriis, quod non intelligitur, nisi steterint super illa repositoria. Quapropter repositoria, in quibus vasa cibaria reponebantur, ut cū eis inferrentur mensæ, unde alia voce quoque fercula vocata. De ferculis hujusmodi agit & Lampadius, in vita Heliogabali, ubi ait: *Exhibuit aliquando & tale convivium, ut haberet viginti & duo fercula ingentium epularum.* Fercula non de patinis singulis accipienda sunt, sed pluribus, quia illud nihil foret memorabile, & igitur ea fercula dicuntur habuisse *epulas*, & quidem *ingentes*. Ubi quæri video, quæ illæ sint ingentes epulæ. Mihi sic videntur dici, quæ constarent non ex cibis minutis, sed integris, eisq; prægrandibus animalibus, ut hubus, apri, porcis, ac similibus. *Dapes ingentes* appellavit ante cap. 20. *Exhibuit & palatinis ingentes dapes, extis nullorum refertas, & cerebellis phœnicopterum, & perdicum ovis, & cerebellis turdorum, & capitibus psittacorum, & fasianorum, & pavonum.* Corrigunt hic viri docti, & pro *palatinis*, *palatinas* substituunt, *dapes* vero delent, quoniam in Palatio Ms. uno non comparet. Verum unus ille non obstat, potest cæteris, cum præsertim ille ipse ex his cæteris, quamvis manu alia, ad scriptum *dapes* habeat. Nec admittit τὸ *refertas*, quod à *farctum* est. Farctæ namq; non dicuntur patinæ, sed epulæ ac dapes, quia erunt intus oppletæ ovis, extis, ac similibus, sicut aper Trimalcionis apud Petronium refertus fuit turdis, & porcus tomaculis ac botulis. Quanquam cum ingentes illæ fuerint epulæ, singula fercula iis singulis constitisse videantur, vel repositoria. Quomodo & in Fragmento Petronij legimus *repositorium, in quo positus erat prima magnitudinis aper;* & aliquanto post, *repositorium cum sue ingenti.* Ubi simul habes illud *ingenti*, unde *dapes* atq; *epulae ingentes.* Cæterum hæc repositoria seu fercula non unius erant formæ. Quod colligimus, quia id Trimalcionis tanquam contra consuetudinem vulgarem dicitur fuisse rotundum. *Novitas tamen, ait, omnium convertit oculos.* *Rotundum enim repositorium duodecim habebat signa.* Non nominatim Petronius vocasset rotundum, si hæc omnium fuisset figura. Et quadrata quoq; fuisse docet Fennella,

ffella, cuius postea adducemus verba. Deinde quædam fercula seu repositoria hujusmodi simplicia extitere, quædam duplia, intusq; cava, ut uni eidemq; ferculo duplex numerus patinarum posset imponi. Tale namq; memoratur illud Trimalcionis apud Arbitrum. Verba Arbitri, post enarratos cibos in superiori ferculo dispositos per signa duodecim, de quibus ante, *Ad symphoniam quatuor tripudiantes procurrerunt, superioremque partem expositorij abstulerunt. Quo facto videmus infra, scilicet in altero ferculo altilia, & sumina, leporemque in medio. Ubinota, rursus dici ferculum, quod ante repositorium.* Nam alterum ferculum nil aliud, quam pars inferior repositorij. *Thecam repositorij nominavit in sequentibus,* quia erat operta superiori ferculo, cibosq; habebat in se reconditos & clausos, veluti in theca. *Rogo, inquit Trimalcio, me putatis illacena esse contentum, quam in theca repositorij videratis?* Habant quoque ornamenta sua hæc repositoria seu fercula, uti ex Petronio apparer. Istuc enim pertinent signa illa duodecim in repositorio. Trimalcionis expressa, sive lignis diversicoloribus, sive lineis argenteis inter tabellarum commissuras insertis. Sic enim consvererant, quod nos docet Fenestella, Plinio laudatus lib. XXXIII. c. II. Verba Plinij : *Cornelius Nepos tradit, ante Sulla vi- etoriam duo tantum triclinia Romæ fuisse argentea. Repositoriis argen- tum addi sua memoria cæptum, Fenestella dicit, qui obiit novissimo Ti- berij Cæsar is principatu; sed & testudinea tum in usum venisse. Ante se autem paulo, lignea, rotunda, solida, nec multo majora, quam mensas fu- isse. Se quidem puero quadrata & compacta, aut acere operta, aut citro cæpisse, mox additum argentum in angulos, lineasq; per commissuras..* Multa docet istis verbis de his ferculis. Primum materiæ intuitu omnia fuisse primum lignea. Quod formam attinet, eam primum extitisse rotundam, post factam & quadratam. Magnitudinem quoq; non multo excessisse magnitudinem mensarum, hoc est, ut ego accipio, non longiora multo, non latiora mensis fuisse. Quoad ornatum, eum quoq; initio fuisse exiguum. Primum namq; operta acere vel citro, id est tabellis tenuibus ex isto genere materiæ ac velut laminis exterius adglutinatis tecta fuisse, sicut hodieque:

capla-

capsarij viliorem materiam pretiosiori operiunt. Post additas crustas ex testudine, qualis nobis quoq; sub vocabulo *Schildpädd* nota laudataq;. Tandem adjectum argentum ab initio in angulis, dixit enim postea quadrata facta, per laminas, ut existimo operatis, sicut annis superioribus librorum opercula, item cistarum anguli laminis æreis aut ferreis tegi consyeverant, in commissuris vero tabellarum, quibus superne ornabantur, additas tenues ex argento velut lineas, quibus distinguerentur. Neque mihi dubium, quin istæ lineæ per commissuras ita fuerint ordinatæ, ut diversas exhiberent figuræ stellarum, orbium, ac rerum aliarum, plane sicut in mensa Isiaca immissæ lineæ ejusmodi figuræ deorum dearumq; exhibebant. Atque hæc iam fercula seu repositoria, non cibi, multo minus mensæ, quod Ursinus arbitrabatur. Verba ejus hæc sunt in Appendix Ciacconij. *Toties autem mensas, hoc est repositoria, quoties fercula & obsonia mutari.* Quasi fercula & obsonia sint idem, & fercula differant à repositorijs, & repositoria sint mensæ. Repositoria adeo non fuerunt mensæ, ut contra mensis imponerentur. Ideo à mensis supra Plinius distinxit, & majora dicit facta mensis, primo quidem non multum, at deinde plurimum, ut locus ille innuit. *Non multo majora, dicit, quam mensas fuisse.* Sinon multo majora, quam mensæ, igitur non potuerunt mensæ ipsæ fuisse. Ac quoniam non alia repositoria, quam fercula, ideo & hæc à mensis distinguuntur. Plinius lib. XXVIII. c. 3. *Sternutamentore revocari ferculum mensam ve.* Sicut hic aliud mensa, & aliud ferculum, ita paulo ante aliud mensa, & aliud repositoriū. Bibente convivam mensam vel repositoriū tolli ait. Ferebantur autem hæc repositoria seu fercula modo à duobus, modo à pluribus, prout essent majora minorave. Ita facile res ipsa docet. Apud Petronium profecto sunt quatuor, qui superiorem tantum auferunt partem. *Ad symphoniam, ait, quatuor tripudiantes accurrerunt, superioremque partem repositoriij abstulerunt.* Si partem ejus abstulerunt quatuor, ergo duplo plures minimum intulerunt totum. Quoties autem ferculum ejusmodi inferebatur mensæ, toties missus unus dari dicebatur. Inde sæpe missus pro ferculis. Fulgentius supra : *Ferculum,*

lum, missus carnium. Atq; ita usurpavit Lampridius in Heliogabalo: *Habuit etiam istam consuetudinem, ut cenas sibi exhiberet tales: una die non nisi de fasianis tantum ederet, omnesq; missus sola fasianorum carne strueret.* Non tamen ferculum est missus, si loquendum proprio, sed ferculi è culina in mensam dimissio atq; deportatio, quod parum observarunt. Venio ad fercula triumphalia. Hujus generis fuere primum, qualibus suspensas hostium à se devictorum vestes & exuvias gestabant, præfertim quas dux detraxisset duci, & opima spolia vocabant. Livius lib. I. c. 10. de ijs loquens. *Romulus cum factis vir magnificus, tum factorum ostentator, haud minor, spolia ducis hostium c. e. si suspensa, fabricato ad id apte ferculo gerens, in Capitolium ascendit.* Habes nominatum ferculum, & in eo spolia ducis. Quale vero fuerit, Plutarchus docet vita Romuli, ubi ait: οΡωμέλας δρῦν ἐτεμεν ὑπερμεγέθη, καὶ μεμόρωσεν ὡς επ τερπαιον. *Romulus quercum mira proceritatis recidit, & formavit ad instar tropæi.* Quia formam dicit habuisse tropæi, hinc liquet, fabrefactum ex stipite simplici, cui in capite appositum transversile lignum brevius, figura crucis. Ista namque fuit tropæorum forma apud veteres. Tertullianus in Apolog. c. 16. *In tropæis cruces intestina sunt tropæorum.* In tali ergo crucelignea è quercu ferebat Romulus opima spolia. Livius ferculum vocavit, quoniam inferebat. Ferebat autem, ut opinor, erecta, sed paulisper tamen reclinata in dextrum humerū. Hic enim ejus gestitantis habitus descriptus est Plutarcho, dicto loco. οπολαβεν δὲ τῷ δεξιῷ τερπαιον ὥμῳ προσερειδόμενον δρῦν, ἐβάσιζεν. *Captum vero ferculum, dextroq; applicatum humero ac subrectum gerens incessit.* Discimus, gestasse ferculum non in dorso, sed in humero, nec tamen demissum jacensque, sicut hastæ gestantur, sed erectum. Nempe arma spoliaq; imposuerat, quæ obharrere aliter nequibant. Quia tamen propter pondus manu libera gestari molestum ac difficile constabat, ideo applicatum humero habebat. Atq; ad tunc modum spolia opima omnia deinde delata in Feretrij Jovis templum. Factitatum idem aliquando & in aliis spoliis. Ita namq; censeo accipienda verba Livij de Horatio, trigeminorum victore lib. I. c. 27. *Princeps Horatius ibat, tergeminus spoliaprae se gerens.*

rens. Sane quomodo præ se gesserit aliter, quam suspensa in ferculo, vix excogito. Neque sinit multum dubitare, quod sequitur de forore ejus, cognovisse super humeros fratris paludamentum sponsi. Quomodo enim præ se ferens, & tamen super humeros, nisi quia ferculum, in quo suspensum fuit, humero habuit applicitum, & paludamentum ante arma cætera in humeros propendit. Præter ista fercula habuerunt & alia, quibus gestabantur signa atq; alia in pompa triumphali. De hujusmodi Suetonij sunt verba superius adducta ex vita Julij, cap. 37. *Pontico triumpho inter pomp.e fercula trium verborum prætulit titulum, veni, vidi, vici.* Habe his aperte fercula pompæ triumphalis. Est autem pompa triumphalis illa spoliorum aliarumq; rerum ordine gestata multitudo. In hoc fercula cum titulis, hoc est, ut ego arbitror, cum tabulis, in quibus scripta rerum gestarum summa capita. Ideo Suetonius de uno illo titulo Julij Cæsar, non acta belli significasse, sicut ceteros. Liquet enim, triumphum illum plures ejusdem modi habuisse titulos, eosq; indicasse breviter acta belli ejus, & res gestas. Præter eos vero unum, quo contra confœtudinem non acta belli, sed celeritas confecti notabatur. Titulus ille non ipsum fuit ferculum, sed in ferculo præferebatur, eo plane modo, sicuti & res aliæ præferebantur, ut oppida, montes, castella, & id genus, interdum piæta, interdum sculpta ligno, interdum queq; pretiosiori materia. Vellejus omnes illas res appellat *apparatum triumphi*. Verba ejus lib. II. c. 56. ubi agit de triumphis Cæsar, *Quing, egit triumphos. Gallici apparatus ex citro, Pontici ex acanthe, Alexandrini testudine, Africani ebore, Hispaniensis argento rasili constitit.* Viri docti acceperunt de ferculis. Torrentius ad Julium Suetonij c. 37. ubi hæc adducit verba : *De triumphi ferculis, diversa factis materialia loquitur, ait. Et sic alij. Sed ferculum propriæ loquendo non est apparatus, verum id, quo apparatus gestabatur.* Ideo ferculum semper ex eodem fuit genere, ligno scilicet, non ita apparatus. Suetonius pro apparatu dixit instrumentum. *Triumphum, ait de Cæsare, egit diverso quemq; apparatu & instrumento.* Instrumentum triumphi, atq; apparatum velut rem eandem posuit, & illos titulos, imagines rerum diversarum, & id.

& id genus intellexit. Habuit enim Cæsar's triumphus præter titulos etiam imagines, quales dixi. Fabius lib. VI. c. 3. *Cum in triumpho Cæsar's eborea oppida essent translata, & post dies paucos Fabij maximi lignea, thecas esse oppidorum Cæsar's dixit.* Hic oppida eborea sunt in instrumento atq; apparatu Cæsar's, ut Svetonius vocavit. Fabius & ipse habuit in triumpho suo, verum lignea, quod fuit usitatus frequentiusq;. Hæc ergo oppida & tituli & imagines & alia id genus gestata in triumpho non nudis manibus, sed imposita ferculis, quo essent conspicitora. Neque ista inter se confundenda. Asconius in Verrina I. *Ferculis signa ante triumphantem vehi per pompam solebant.* Per signa simulacra oppidorum, arcium, & similiūm, præcipue vero illo in loco statuas & simulacra deorum, hosti erepta intelligit, quod ipse Ciceronis locus manifeste docet. Non autem dicit fercula seu signa vecta, verum signa vecta ferculis, quia illis ferculis imponebantur. Neq; res inanimæ impositæ solummodo, sed ipsi vivi homines, clariores maximæ, ac nobiliores ex capti- vis. Jole apud Senecam in Hercule Oetæo v. 109. ubi loquitur de ijs, qui matura morte captivitatem evaserunt.

*Non captiva dabit brachia vinculis,
Nec pompa veniet nobile ferculum.*

Respxit & Seneca Philosophus in devita beata c. 25. *In alienum imponar ferculum, exornaturus victoris superbi ac feri pompam.* Vi- denturque hi ostentati cum catenis, & adpositis erectisq; ex ipso- rum spolijs trophæis. Memorat hoc namq; in triumpho Tibe- rij aut Germanici Ovidius lib. III. ep. 4. ex Ponto, quem augu- ratur..

*Scuta, sed & galeæ gemmis radientur & auro,
Stentq; super vincitos trunca trophæa viros.*

Ita edidit vir eruditione juxta & humanitate singularis Nic. Hein- sius, qui & in Notis exprimi per nummos istam consuetudinem bene observavit. Quærat aliquis, an & hæc fercula superioribus fuerint similia, illis inquam, quibus Romulus est usus. Equidem quod illa attinet, quibus portabantur tituli, non video, cur debea-

mus dubitare. Poteant fortassis & imagines aliquæ, aliaq; minutiora, præsertim ex ligno fabrefacta sic gestari. At de iis, quibus impositæ statuæ gravioris materiæ, ipsiq; vivi homines, quis possit credere. Videturque aliud docere Josephus, quando loquens de hoc genere non ferculis, sed pegmatis impositos fuisse ait. Verba ejus sunt de Triumpho Vespasiani. *Stupori erat pegmatum, quæ portabantur, fabricatio tam magna, ut occurrentest timerent, ne qui subierant, gestare haud valerent, nam quedam in tabulatum tertium excreverant. Erat autem per singula pegmata capte civitatis dux, ita ut captus fuerat ordinatus.* In Græco est, ἐν τρόπον ἐλίσθη, quod significare puto, positum fuisse ibi habitu captivi, in eteris catenis, sicuti siebat, quando capiebantur, hocq; respicere id ipsum, quod de captivorum habitu in ferculis superius notavi. Docet autem istis verbis Josephus, pegmata fuisse, quibus duces vivi fuerunt impositi, hoc est tabulata lata, structa q; in altum. Ea enim proprie sunt Græcis πήγματα, à πήγμα, quoniam ex lignis pluribus coagmentata, structa q; in altum. Fuisse quoq; non simplicia, sed habuisse plura tabulata, alia super alia. Deniq; cum essent magna ponderosa que, gestata quidem ab hominibus, sed bene multis, quod in altero genere minime siebat. Igitur vocat πήγματα φέρμενα. Θαῦμα inquit ἐν τοῖς μάλιστα παρεῖχεν, οὐ τῶν φερομένων πηγμάτων κατασκευή. Quo planè constat, lata. Quomodo autem lata fuerint hæc pegmata, id non declarat. Verisimile, hoc factum humeris subjectis, suppositisq; asseribūs validis. Nisi quod extare tamen facerent supra humeros, & ipsa capita. Ita conjicio ex arcu triumphali ejusdem Vespasiani, sicut Lafreri manu sculptus apud me habetur. Equidem pictura est parum accuratè facta, quod doleo, exhibebo eam tamen, si fortassis lucis aliquod accedere inde argumento nostro possit.

Cerni-



Cernitur hic primum illud genus, quo gestabant titulos. Plane namq; titulos interpreter illas duas tabulas, unam præcedentem arcam fœderis, alteram sequentem, suspensas in ferculis, quæ intelliguntur hinc fuisse perticæ longiores, sic gestatæ, uti supra demonstravi. Deinde cernitur & genus alterum, cui insistit arca fœderis, cum lichnucho, sublatum supra capita gestantium, nisi malimus non tam esse arcam, quam ferculum ipsum, id cui impositus est lichnuchus. Habuit namq; arca suos à lateribus annulos, & per eos asseres trajectos, quales nulli hic comparent. Quicquid vero sit de arca, illud plenum est, gestasse genus hoc elatum super capita. Non ergo accurate satis Onuphrius in triumpho suo ista omnia vehiculis imposuit, & velut in cumulum nullo ordine conjectit. Nam contra omnia exhibita solerter pulchreq; disposita, veluti Josephus docet. Cæterum an hæc pugmata quoq; nominarint fercula Latinæ dubium potest esse. Quanquam cum non pugnet ratio vocabuli,

f. 3

præ-

præterea in res similia Seneca uterque ac Ovidius fercula nominarint, mihi dubitandum parum videatur. Erant quoque fercula ludorum sacrorum, sicut supra demonstravimus. Quæ illorum species extiterit, est dubium. Torrentius partem facit sacrorum vehiculorum sive curruum, qui dicebantur thensæ. Ita namq; habet vita Julij. *Est thensa, ut Grammatici volunt, vehiculum ipsum sacram, ferculum vero vehiculi pulpitum, cui simulacra imponebantur.* Vellem ego nominasse aliquem Grammaticorum, qui ferculum dixerit esse pulpitum vehiculi, quod vocatur thensa; nam hactenus invenio neminem. Hoc quidem scio, pulpitum exponere, sed thensa pulpitum vocare, id vero penitus ignoro. Quare suspicor hoc esse de ingenio Torrentio. Quia pulpitum vocari videt, ipse de thensa pulpite conjectit. Non profecto ita Acro, qui pulpitum exposuit. *Fercula, inquit, sunt pulpita, in quibus deorum simulacra reponebantur, quia in pompa Circensi hisusmodi simulacra deorum ferebantur.* Vocat pulpita, sed thensarum nullam facit mentionem, imo in ijs deorum simulacra dicit *lata*, quod non convenit, si ea pulpita in vehiculis reposita fuere. *Quod enim est in vehiculo, non tam fertur, quam ducitur aut vehitur.* Et qui dici fercula potuissent, nisi lata gestatave fuissent? Deniq; thensis separat disertim Svetonius in superius citato loco. Verba sunt clarissima. *Ampliora etiam humano fastigio decerni sibi passus est, sedem auream in curia & pro tribunali, thensam & ferculum Circensi pompa.* Tantquam de duabus distinctissimisq; rebus loquitur. Atq; ad eundem modum Dio quoque, qui hinc capit lucem. Verba ejus sunt in lib. XLIII. Καὶ τότε μὲν ἀνδράντια ἀπέθεσσινον, ὑπερον δὲ καλλίσμα ὅλον ἐν ταῖς ιωποδρομίαις μετά τῶν θείων ἀγαλμάτων πέμπεισθε γυνώσαν. Vertunt ita: *Statuam quoq; tunc eburneam Cæsaris, ac post thensam in Circensibus pompis cum deorum simulacris vehi jusserunt.* Satis apte, si rem ipsam cogitas, non si verba Dionis. Άρμα ὅλον quippe non est thensa. Thensa equidem hic intelligitur, sed άρμα ὅλον notat *integrum currum, integrum vehiculum.* Respiciebat nempe ferculum, in quo prius gestabatur illa Cæsaris statua eburnea. Id ait non fuisse άρμα

όλος

etiam, sed vectabulum tantum aliquod, quo gestabatur. Postea de-
mum accessisse & currum. Aliud ergo currus, aliud simulacrum
per se circumgestatum, quod cum fieret per collocationem simu-
lacri ejus super ferculum, ut Acro docet, manifestum sane, res fu-
se distinctissimas, ferculum & currum. Erat autem minus quid ho-
nore atq; dignitate ferculum, quod liquet, quia primo loco decre-
tum, ac post demum currus. Neq; aliter accipienda verba sunt
Svetonij, licet ipse primo loco ponat thensam. Thensem enim
præmittit tanquam digniorem, non quod ante ferculum sit decre-
ta. Imo decreto curru, ferculum sublatum, tanquam minus di-
gnum, quod notandum, ne quis putet uno eodemq; tempore Cæ-
sari & ferculum tributum, & thensam. Primum, ait Dio, decerne-
bant ipsi tantum ferculum, quo gestaretur imago ejus eburnea.
Postea crescente adulazione, illam ipsam imaginem imposuerunt
thense, ut necessario ferculum fuerit sublatum. Ideo & lib. XLIV.
ubi novissimos honores Cæsari decretos enumerat, solius currus,
nullam ferculi facit mentionē. Εἴτε τὰ θέατρα τόν τε σίφην ἀπέ τὸ πτέρυγον,
& τὸ σέφινον τὸ διάλιθον καὶ διάχυτον, ἐξ οὐ τοῖς τῷ Θεῷ ἐσκομιζεθαι. Καὶ ταῦς
πτωσθούσιας ὄχλον ἐσάγεται εἰνοίσασθο. Ita habent editi, qvod vertunt:
In theatra etiam sellam ejus auream, coronamq; gemmis auroq; insignem
(qui honor alias diis tribui solebat) *inferri, atq; in circu m etiam introduci à multitudine jusserunt.* Sed quis unquam legit, sellam introduci à multitudine? & quid tandem est, sella introducitur à multitudi-
ne? quæ multitudo intelligitur? plebisne, an equestris, num pro-
miscua omnis? Mihi non est dubium, quin Dio scripscerit vel ὄχον,
pro ὄχον, vel quæ Lipsij est conjectura in libello de Vesta cap. II.
ὄχον ὄχον, sicut supra ἀγμα ὄχον, quod prave connexum, deinde ὄχον
peperit. Ideo verba illa νῶν ταῦς ἐπιποδοποιίαι in Græcis à præceden-
dibus separantur distinctione majore, ut appareat novi quidpiam
hic dici: & ipsa loquendi ratio hoc docet. Postremo sella nun-
quam Circumlata in pompa Circensi, solum ferculum & thensa.
Svetonius manifeste: *Decerni sibi passus est sedem auream in curia &*
pro tribunali, thensam & ferculum in Circensi pompa. Solam thensam
& ferculum nominat, non addit sedem auream. Quare locus ille
rectius:

rectius sic verteretur: *In theatra etiam sellam ejus auream coronamq; è gemmis auroq; scuti consuevit diis, inferri: itemq; in Circum vehiculum induci decreverunt.* Liquet autem, sicut dixi, solius vehiculi hic fieri mentionem, nullam ferculi, quia tum cessaverat in Cæsaris imagine illius usus. Jam cum constet alia esse fercula, & alias thenfas, nec ad has illa pertinere, aut ipsarum partem facere, quod Torrentius volebat, videndum erit, quali ergo specie fuerint. Acro pulpita appellat. Porro pulpita reperio duplicitia apud veteres, alia in scholis, alia in theatris. In scholis erant cathedræ, de quibus stantes recitabant. Suetonius de Illustr. Grammaticis cap. 4. *Repeto quendam, Principem nomine, nonnullis diebus mane differere, post meridiem remoto pulpito declamare solitum.* Dicit differuisse de pulpito, id est de materia quacunq; informasse docuisseq; auditores, id enim differere, eaque est dissertatione, uti pridem in opusculo de stylo demonstravimus. At cum declamandum esset, pulpitum removisse. Unde constat, pulpitum fuisse locum recitantium & differentium, non declamantium, illudq; pulpitum apponi potuisse atque removeri, & sic non fixum, verum mobile fuisse. Detali agit Isidorus lib. XV. c. 4. *Pulpitum, quod in eo lector vel psalmista positus in publico conspici à populo possit, quo liberius audiatur.* Ostendit de hujusmodi pulpitis habuisse olim lectiones sacras, recitantesq; bene conspici potuisse, unde constat, fuisse eminentiora. Utrum vero tale quidpiam extiterit Circense ferculum, potest dubitari. Tertullianus profecto libro de Spectaculo c. 16. vocet suggestus, & similitudinem habuisse ait crucium. Verba ejus, ubi loquitur de imaginibus deorum, in circu circumferri solitis; *Omnis illi imaginum suggestus insignes, monita crucium sunt.* Quando vocat monita crucium, ostendit admonere nos crucis. Quomodo autem possint, nisi speciem illius aliquam habuerint? Et disertim ille eo loco hoc testatur. Jam si habuerunt crucis speciem, ad illa Grammaticorum pulpita quo pertineat, non video. Theatrorum quoq; pulpita huc nihil facere videntur. Illa namq; tabulata sunt editiora, structa ante scenam, id est ædicolam theatralem, quæ à fronte velo claudi solet, ut inde velo illo sublatu prodeant actores fabularum

rum in extructum istud tabulatum. Vetus Horatij Interpres à Cruquio editus ad Epistolam de Acta Poëtica Per pulpita, per tabulas scenæ. Erant autem gradus, per quos ascendebatur in scenam. Hæ tabulæ nil habent, quod nos possit admonere crucis. Et tamen Tertullianus suggestus imaginum hoc ait facere. Neque pulpita, quod sciam, alia occurunt. Quid dicemus? Puto fercula Circensis quoq; non unius generis fuisse, alia quæ crucium referrent speciem, alia quæ pulpitorum. In crucibus puto lata simulacra leviora, in pulpitis graviora. Nam lata plane constat, & lata ab hominibus, & in humeris lata. Ita namq; docet Dionysius Halicarnassus lib. VII. ubi pompam Circensem describit. Τελευταιον δὲ πάντων αἰ τῶν θεῶν εἰνόντων ἐπόμπευον, ὥμοις ὑπὸ ἀνδρῶν φερόμεναι, μορφαῖς τε ὄμοιας παρέχονται τὰς παρ' Εὐλεσί πλατύομέναι. Postremo circumlatæ in pompa imagines deorum, gestatæ humeris hominum, speciem habentes eam, que & apud Gracos formantur. Non existimandum est, imagines eas ita latas nude in humeris, sed super fercula repositas, ita namq; sicutum fuisse Acro docebat in superioribus. Si lata in humeris, & tamen crucium effigie fuerunt formata, necesse est, ut intelligamus, qualia tropæa, & triumphantium fercula fuere. Atque hinc fortassis est, quod Commodianus appellavit lignabifurci. Plane namq; de hoc genere accipio, quod habet de Nemosiaco, id est bajulante simulacrum Nemesis:

*Succollat, quando libet, eam, (Nemesin) & quando deponit,
Vertitur a serotans cum ligno bifurci,
Ac si putes illum afflatum numine ligni.*

Atvero gestabantur graviora quoq; simulacra ex ebore, argento, auro. Quin imo vivi homines quandoq; in speciem deorum adornati gestabantur. Julius Obsequens c. 130. *Puer in pompa victoriae cultu cum ferretur, ferculo decidit.* Hic pompa non triumphi aliquis est intelligenda, sed Circensis. Nam eo quidem tempore, quo hoc factum, M. Lepido nimirum, & Munacio Planco confulibus, nullus fuit habitus triumphus, uti discimus ex Dione, qui annum eum describit lib. XLVII, memoraturus sine dubio, si quis habitus fuisset. Nempe pompa excellentiori notione Latinis illam

g

signi-

significat Circensem. In hac igitur Circensi pompa latus puer est in ferculo, cultus habitu victoriae, quod fieri vix potuit, nisi genus alterum intelligamus, quod diximus. Fuitq; genus hoc vel nihil, vel perfecto parum dissimile illi, quod in pompa triumphali Josephum pegma nominare ostendimus. Nec abludit multum, quod exhibuit in Circensi pompa Onuphrius, sive habuit ex monumentis, sive, id quod verius existimo, ex ingenio confinxit. Sed quid est, quod ait Tullius Officiorum I. *Cavendum est autem, ne tarditibus ut amur in gressu mollioribus, ut pomparum ferculis similes esse videamur.* Possunt hic existimari tarditates in gressu ipsis etiam ferculis à Tullio tributæ, quod haud facile est intellectu. Ideo & Nizolius non fercula, sed ferculos, id est homines ferentes sive bajulos intelligendos putavit. Verba ejus: *Fortasse melius (non, hoc ferculum, sed) hic ferculis, ut bajulus diceretur. Nam non est dubium, quin hoc loco pro iis, qui vasa simulacraq; deorum, & id genus alia in pompa seu triumpho ferunt, accipiatur, non ut pleriq; omnes existimat, pro epulis aut pulpitis, seu aliis quibusvis rebus: nam de incessu loquitur tardiore, qualis eorum solet esse hominum, quos id genus pompas ferre videmus.* Incessum tardiorem non putavit convenire ferculis instrumentis, sed ferculis hominibus id est gerulis sive bajulis, quos & ferculos existimavit dictos. Verum ferculos homines ad hunc diem non opinor observasse quenquam. Neq; opus, ut huc abeamus. Possunt enim fercula intelligi hoc loco ratione alia. Quod ut apte fiat, observandum, simulacra illa non fuisse omnia eiusdem generis, alia enim erant solida, & ex materia eadem confecta tota, ebore puta, ære, auro. Hæc portabantur vel in ferculis crucium speciem habentibus sublatis in altum, unde *suggestus imago* dixit Tertullianus supra, quoniam gerebantur in sublimi. Alia vero capite pectore ve tenuis ex materia solidiori, cætera erant cava vestibusq; ornata, intra quas se abdere homo, motuq; suo simulacrum ipsum mobile ac animatum quasi reddere poterat. Ita simulacrum, ipsum incedere ac ambulare videbatur. Est que moris hujus vetustissimi seruata hodieq; ratio nonnulla apud Aquisgranenses, apud quos quotannis simulacrum Caroli Magni à latitante

latitante sub toga viro circumfertur in processione, ut vocant, solenni, sic ut ipsa viva incedere videatur. Initium illius rei sine dubio ab illa deorum circumgestatione, ac mox Cæsarearum imaginum prolatione simili, tempore ludorum Circensium desumptū. Atq; sic solebant &c in pompa Iridis, de qua Apulejus lib. XI. egestie. Nec mora, cum dei dignati pedibus humanis incedere, prodeunt: hic horrendus ille superum commeator & inferum, nunc atra, nunc aurea facie sublimis attollens canis cervices arduas Anubis, lœva caduceum gerens, dextra palmam virentem quatiens. Cujus vestigium continuum sequebatur bos in rectum levata statum, bos omniparentis deæfæcundum simulacrum, quod residens humeris suis proferebat unus è ministerio beato, gressu gestuoso. Per omniparentem deam, Isidem intelligit, quæ sub bovis specie in pompa illa circumlata. Circumlata vero ab uno, quod notandum, & quidem residens in humeris, levata in rectum, velut ambularet, quod non intelligitur, nisi de eo, qui imaginem illam, humeris sustentatam intus regebat. Itaq; velut de bove viva, sequebatur bos. Idem & de Anubi intelligendum, nam & ipsum attulisse cervices canis arduas ait, gessisse palmam, concussisse caduceum, quod fiebat omne ab eo, qui intus latitabat. Unde deos illos ait incessisse, verum pedibus humanis, quia hominem baulante in habitu suo contegebant. Neq; aliud est apud veteres, portare Anubim, quam hanc ejus effigiem indutam, ut nunc diximus, gestare in pompa Isidis. Lampridius vita Commodi cap. 9. *Sacra Isidis coluit, ut & caput raderet, & Anubim portaret.* Spartanus vita Caracallæ, c. 9. *Mihi mirum videtur, quem ad modum sacra Isidis primum per hunc Romam venisse dicantur, quum Antoninus Commodus ita ecelebraverit, ut & Anubim portaret.* Annotat hoc loco, rem fuisse singularem, quod Imperator ipse Anubim portaverit. Vide licet hoc fieri per ministros sacerdotum alias consvererat. Apulejus supra: *humoris suis proferebat unus è ministerio beato.* Signiferos vocarunt Imperatores Honorius & Theodosius 1.2. lib. XIV. t. 7. C. Theod. ex qua intelligimus, fuisse aliquando & in corpus certum ac collegium consociatos. Quin imo homines viliores, etiam pravii ac nocentes adhibiti, modo valentes essent, ac gestare de-

center valerent. Inde namq; Tertullianus: *Ipsos deos vestros sape noxijs induunt.* Bene dicit, induunt. Nimirum *indui* vestimenta propriæ dicuntur, quando applicantur corpori, hominesq; illa subeunt vel intrant, à *sūw*, quod est *subeo, ingredior*. Sicut ergo induuntur illa, ita pulchre vocabulo isto declarat & illa deorum simulacra induisse, neq; probos tantum, sed & improbos. Cum præser-tim ipsa quoque vestimentis colerentur. Ita namq; colligi licebat ex victoriæ cultu, quam supra Obsequens nominavit. Similes victoriæ leguntur & in pompa sacra Ptolemæi apud Athenæum lib. V. c. 7. *Proxima*, ait, *fuere victoriæ cum alis aureis, thymiateria ferentes, tunicis vestite animalium figura depictis.* Atq; ita res se habuit in cæteris ejusmodi simulacris, quorum vestimenta quoniam superinducta vel injecta simul habebant sibi, qui gestabant, ideo *induere deos* Tertulliano dicebantur. Qui similiter & alibi: *Qui vi-vus cremebatur, Herculem induerat.* Habebant autem sic injecta sibi, ut eis teeti conspici non possent, quod apud Senecam, *sub pompa latere.* Verba extant ep. 24. *Non hominibus tantum, sed & rebus persona demenda est, & reddenda facies sua.* *Quid mihi gladios & ignes ostendis, & turbam carnificum circa te frementem? tolle istam pompam, sub qualates, & stultos territas.* *Mors es, quam nuper servus meus, quam ancilla contempsit.* Dicit, mortem, ut se faciat terribiliorem, conspiciendam se præbere non sua facie, sed sub persona carnificum, gladiorum, ignium, sicut solent in pompas, peeviliores homines latere sub personis deorum dearumq; quando ipsas circumferunt, ac se reddere venerabiles. Putare namq; spectatores simpliciores, hic Jovem, ibi Aesculapium incedere, verum si dematur pompa, si tollantur, si relegantur vestimenta, sub quibus latent, sèpè minutum aliquem homuncionem, sèpè noxiū deprehendi. Atq; hæc jam illa fercula, quibus ne fiamus similes tarditate in gressu, Cicero cavendum ajebat. Nempe qui gestabant, ut magis repræsentarent majestatem diis convenientem, incedebant tarde, sicut hodieq; in Carolum Effigie observare me-mi, cum versarer Aquisgrani. Hoc Cicero putabat parum viris conuenire. Viri nempe uti gradu debent. Dij non gradiuntur,

non

non movent pedes, verum fluunt, cum appropinquant, quibus qui gestabant eorum simulacra, similes se volebant facere. Calafiris apud Heliodorum lib. III. *Æthiop. Dij & numina venientia ad nos;*
& à nobis recedentia in alia animalia rarissime, in homines autem ut plurimum sese transformat, ut visum in somnijs esse opinemur, nobis imponentes. Quamvis igitur profanos homines latuerint, tamen quin à sapiente cognoscantur, effugere non possunt, sed ex oculis notari possunt,
cum continuo obtritu intueantur, & palpebras nunquam occludant, οὐ τὸ βαθὺ ψυχικὸν τοῦ ποδοῦ, εἰ δὲ μαλαθεσὶν ἀνομέω, ἀλλὰ
καὶ τὸ πούλωστὸν, καὶ οὐνινὸν παραποδιστὸν τερπόνιον μᾶλον τὸ φείχον διαπευμένων. Et magis etiam ex incessu, qui non ex di varicatione pedum,
neque transpositione existit, sed ex quodam fluxu aëreo, & vi expedita finientium magis auras, quam transeuntium. Hæc Calafiris doctrina,
de incessu deorum, quam ut probet auctoritate aliorum, addit, Ægyptios ob hanc caussam formasse deos junctis pedibus, non divisis instar gradientium. Διὸ δὴ τὰ ἄγνα μάλα τῶν θεῶν Αἰγύπτιοι τῷ πόδε
ζευγνώτες & ὁπερ ἐνεγκέισαντο. Quamobrem statuos quoq; deorum Ægyptij ponunt, conjungentes illis pedes, & quasi unientes. Atq; sic videmus in tabula, sive mensa Iasiaca Pignorio illustrata, quem hoc inobservatum transmisisse miror. Item in ipsis Ifidis icunculis, quæ insuuntur cadaveribus, atq; passim habentur apud talium studiosos. Postremo ne Homerum quidem ignorasse ait, verum docuisse illis versibus:

Ιχνια γδ μεταποσθεν ποδῶν ἡδὲ πυημάων
 Ρέι εγγων ἀπίστητο. Αειγνωτοι τε θροῖται.

Quodita vertit Bourdelotius.

Namq; pedum crurumq; simul vestigia pone,
 Per facile agnovi remeante, auresq; secante.
 Dij quoq; cognosci possunt, certoque notari.

Quia ergo dij non credebatur ambulare commotis & diductis pedibus, unoq; ante alterum per vices positis, ut solent homines, sed junctis immotisq; potius fluere, idcirco, & qui simulacra eorum gestabant in pompa, hoc imitabantur, quod in hominibus virisq; Cicero inconveniens putavit. Et hæc expositio verborum ejus, nemini, quod sciam, evidenter satis tradita. Nec repugnat, quod

§ 3.

in ver-

in verbis præcedentibus *gressum gestuosum* Apulejus in bove Isidis notaverat, id enim privatim pertinebat ad bovem, cuius speciem præ se ferre debebat is, qui sub pompa latebat. Sub *pompa* dico, exemplo Senecæ, atq; ipsam imaginem bovis intelligo. Ita namq; solebant, Græcos imitati, ut opinor, quibus similiter πομπὴ res quælibet, quæ in pompa transvehitur. Casaubonus ad lib. V. Athenæi, c. 7. Πομπὴ significat res singulas in pompa transvectas, sive, ut Latini loquuntur, singula pompa fercula. Sic intellige de secunda pompa: ἵπεις ἡ τοῖς βασιλέων γονεῦσι καλωμασμένη. Sequebatur Luciferi simulacrum, ferculum divis parentibus regis & reginae sacrum. Deinde auctor multas πομπὰς in unum cogit, & ait, μέλα δὲ ταύτας αἱ τῶν θεῶν ἀπάρτων, δικέας ἔχοσαι τῆς φειδείας των αὐτῶν ιστορίας στασινεύει. Quæ ita erant vertenda: Post has sequebantur deorum omnium pompa (hoc est imagines) ornatae, qui historię cujusq; illorum conveniebat. Per ornatum historię illorum convenientem intelligit Athenæus talem, qualem supra in Iside ac Anubi notavimus. Ad eundem enim modum Jupiter cum corona & sceptro, Saturnus cum falce, Neptunus cum tridente, cæteri cum alijs id genus insignibus incedebant, amicti de cætero vestimentis splendidissimis. Quomodo in Antiochi pompa factum, de qua idem Athenæus capite præcedenti. Πάντων τῶν παρὰνθρώποις λεγομένων ἡ νομιζομένων θεῶν ἡ δαιμόνων, προσέτι δὲ ἡγώων εἰδωλα διηγετο, τὰ μὲν περιστωμένα, τὰ δὲ ἡμιφερμένα σολαῖς σταχυρύσας. Omnium, quotquot apud homines vel creduntur, vel dicuntur esse dij aut demones, atq; adeo herorum simulacra gestabantur, alia inaurata, alia stolis aureis induita. Qui ergo dicitur apud Senecam latere *sub pompa*, is dicitur latere sub lacra imagine, proprie vero sub vestimentis illis imaginis, sub quibus tectus, gerébat movebatq; imaginem ferculo innixam, quod incumbebat ejus humeris. Videturq; consuetudo hæc fuisse nota etiam antiquissimis temporibus, memorataq; ac reprehensa in Judæis ipsis à Propheta Isaia c. 46. ubi ait: *Confertis aurum de sacculo, & argentum statera ponderatis conducentes artificem, ut faciat deum.* Et procidunt, & adorant, portant illum in humeris gestantes. Procopius profecto ad hunc locum: Φασὶν ὁς ἐν ταῖς τῶν δαιμονίων πομπαῖς ἐπικομίζοντες ἱερεῖς τὰ ἄγναλμα φερόντες ἐπ' ὄμρων τὰς πλα-

τείας

τέλας ἀχθοφορεῖντες διάρχοι. Facere hoc dicit, sicut in pompis dæmonum sacerdotes deferunt imagines gestantes in humeris, & per plateas baju-lantes incedunt. Venio nunc ad fercula funebria. Habebant enim aliquando fercula & in funeribus. Ac primum quidem ijs depor-tati peregre defunctorum cineres, si fuissent in auctoritate summa constituti. Sic enim de cineribus matris fratrisq; Cai imperato-
ris Svetonius c. 16. Per splendidissimum quemq; equestris ordinis me-
dio ac frequenti die duobus ferculis Mausoleo intulit. Ita habent libri.
Quanquam alij exhibeant fericulis, quod non existimo conte-
mnendum. Sic enim requirit ratio analogiæ, ut ab initio est di-
ctum, neq; insolens Svetonio, hujusmodi attendere. At forulis,
quod in nonnullis legitur, huc facit nihil, ac nesciendum quidem
ita puto, verum ferculis. Nempe utroq; modo & ferculis dicebant,
& forculis, quomodo adversus & aduersus, advorto, & adverto, atq;
alia id genus. Sed quæ hæc fericula, seu fercula funebria? Casau-
bonus ait, fuisse instrumenta, in quibus cineres erant. Fercula, in-
quit, appellat pompatius, ut dicam cum Tertulliano, instrumentum, in
quo cineres erant, cum inferrentur in Mausoleum, ob similitudinem ali-
quam ferculorum triumphalium. At vero ferculum dici, cui quid in-
fit, haec tenus non puto lectum esse. Ac repugnat ratio vocabuli,
quod non signat rem, quæ aliam contineat vel concludat, verum
in qua alia gestetur. Cineres non ferculis includebantur, hoc enim
reperimus nusquam, verum urnis. Scholiares Lycophronis:
*Mos erat, peregre mortuos cremare, cineremq; ipsorum urnis inclusos
in patriam perferre.* Adde reliquos, qui de funeribus scripsere.
Neq; dubitandum de cineribus matris fratrisq; Cai. Svetonius ex-
presse, paulo ante allata superius: *Ad transferendos matris fratrisq;
cineres festinavit, tempestate turbida, quo magis pietas eminaret, adi-
gitq; venerabundus, ac per semel in urnas condidit.* Non condidit in
fercula, sed in urnas, sicut moris fuit. *Quando igitur sequitur,*
duabus intulisse ferculis, non dicitur duabus urnis, sed hoc indica-
tur, urnas istas collocatas super fercula fuisse, atq; illatas Mausoleo,
id quod singulare fuit. Agrippina certe ipsa mariti sui cineres ge-
stat in ulnis. Tacitus III. An. I. *Postquam duobus cum liberis feralem
urnam:*

urnam tenens egressa navi. Alij in humeris. Idem statim post, de iisdem cineribus & urna. Igitur tribunorum centurionumq; humeris cineres portabantur. Nulla ferculi hic mentio, quod fit in deportatione cinerum superius dictorum. Ergo hoc peculiare fuit, voluitq; sine dubio divinis pæne honoribus afficere matrem fratremq; per imitationem ferculorum, quibus in Circensi pompa dici circumferebantur. Dio lib. LIX. fecisse putat more triumphantis, quia fuit indutus prætextam, cum funus duceret. Τὸιαν τὸ πεπόρφυρον ἔνδυσ, καὶ πολέμους τισιν, ὡστε ἐπινιῶσι πορφύρας. Prætextam amictus, ac lictoribus ornatus, tanquam in triumpho quodam. Verum quomodo hæc ad triumphum possint referri, non video, quoniam omnia pietate singulari fieri, Caius credi voluit. Magis est, ut credamus imitatum eos, qui deducere pompam Circensem solebant. Nam & illi splendidissime vestiti fercula & thenfas comitabantur, sicut in sequentibus dicemus. Unde Casaubonus quoq; rectius fecisse credi potest, si in verbis præcedentibus pro ob similitudinem aliquam ferculorum triumphalium, ferculorum Circensium scripsisset. Quine illud quidem mihi probat, quod hæc Cai fercula existimat fuisse pæne eadem cum tropæo in funere Julij. Verba ejus ita habent, paulo post superius allata. Svetonius vocem tropæum non multo aliter usurpat extremo libro primo in funere Julij. At ego nihil video, in quo convenienter tropæum illud & hæc fercula. De tropæo sic Svetonius: *Intra lectus eburneus, auro ac purpura stratus, & ad caput tropæum, cum veste, in qua fuerat occisus.* Hic tropæum notat perticam, cum transverso baculo in summo, defixam ad lecti caput, quali in pertica etiam spolia hostilia suspendi solebant. At fercula Cai non fuerunt perticæ, sed palpitæ extructæ. Deinde Julij tropæum suspensam habuit vestem, in qua fuit occisus. At fercula Cai urnas non suspensas, veram impositas. Equidem tropæa illa, quoque fercula vocata, sicut supra demonstravi, tamen alia illorum species, alia horum, de quibus hic est sermo. Nisi putamus illud voluisse Casaubonum, Svetonium in funere Julij illud instrumentum Pompatius appellasse tropæum, sicut hic Pompatius usurpavit ferculum. Quicquid de hoc sit, Cai fercula

non

non alia fuisse mihi videntur, quam qualia in Circensi pompa fure usitata, & à Grammaticis plutei explicantur. Itaq; gestata non ab uno, verum pluribus, quod innuit Svetonius, quando ait, intulisse cineres per *splendidissimum quemq; ordinis equestris*, quod accipi, nisi de pluribus, non uno tantum aut duobus, nequit. Præter hæc fercula habuerunt & alia in funeribus, quorum mentionem facit Statius lib. VI. Theb.

*Portant inferias, arsuraq; fercula primi
Grajorum, titulisq; pios testantur honores
Gentis quisq; sua —*

Argolus in Notis ad Onuphrium hic sermonem esse putat de Phœtris, sed sine dubio est falsus. Nam intelliguntur *munera præferri solita*, ut Svetonius appellat in vita Julij cap. 84. Hæc enim simul cum mortuo cremabantur injecta igni, non pheretra (sic enim legendum apud Argulum, pro *pharetra*, quod virtio typographi nunc habetur) Ideo quoq; Statius *arsura fercula* dixit in superioribus, quod ad pheretra non pertinet. Fuerunt autem ea munera non modo lances plenæ thure, de quibus Meursius in Funere c. 22. locum hunc accepit apud Statium, sed & rerum aliarum, vestium, armorum, ornamentorum; nec sequebantur lectum funebrem, sed præibant. Svetonius dicto Julij loco: *Præferentibus munera sufficiens dies non videbatur*. Dicit aperte, *prælata illa munera, cui autem, nisi lecto funebri mortuoq; nam de alio intelligi non potest. Mox & munera enarrat. Turba, inquit, quicquid ad donum aderat, congeffit: Deinde tibicines & scenici artifices vestem, quam ex instrumento triumphorum ad presentem usum induerant, detractam sibi atq; discissiam injecere flammæ, & veteranorum militum legionarij arma sua, quibus exculti funus celebrabant. Matrone etiam pleræq; ornamenta sua, quæ gerebant, & liberorum bullas atque pretextas.* Hæc munera in funere Julij confuse quidem ingesta, in alijs vero lata ordine, ac ut discimus ex Statio, imposita ferculis peculiaribus, quo conspectiora, splendidioraq; omnia evaderent. Id enim Statius voluit verbis allatis, indeq; partem non exiguum constituit nomenq; habuit sicutum, quod *pompafunebris* appellabatur. Silius voca-

h

vit

vit feretra, quæ Statius fercula. Ita namq; ait lib. X. ubi agitur de funere Pauli.

*Non conjunx native aderant, non juncta propinquo-
Sanguine turba virum: aut cessis de more feretris
Præcedens prisca exsequias decorabat imago.*

Quanquam Silius non agat de muneribus cremari solitis, sed imaginibus familiaribus ex cera factis, quæ & ipse ante lectum funebrem in ferculis gestabantur, vel ut ait Silius, in feretris. Quin imo videntur aliquando non defunctorum modo, sed & viventium gestasse imagines, præsertim virorum principalium ac magnorum, ut splendidius esset funus: easq; imagines habuisse non in perticis longioribus solidas, sed super vivos homines, intus latitantes, ut in pompa Circensi solebat. Sic enim accipienda puto verba Svetonij, quæ habentur in Vespasiani vita cap. 19. *Et tamen ne sic quidem pristinæ cupiditatis infamia caruit. Vespasianus. In funere Favò archimimus personam ejus ferens, imitansq; ut est mos, facta ac dicta vivi, interrogatis palam procuratoribus, quanti funus & pompa constaret, ut audivit HS centies, exclamavit, centum sibi secesserit in darent, ac se vel in Tiberim proicerent.* Casaubonus ait, morem hunc servatum in funeribus divitium virorum ac insignium, videlicet ut præirent scurræ ac mimi, adducitq; super ea re Dionysij Halicarnassensis testimonium, qui si habet lib. VII. *Quia etiam in illustrium virorum funeribus prater alias pompas vidi & Satyricos choros, qui lectulum præcedebant, & sic in nem saltationem saltabant. Precipue vero in fortunatorum virorum funeribus.* Sed Dionysius hic agit de ijs qui saltabant, habituq; Satyrorum cum pellibus caprinis & similibus erant ornati. Svetonius de mimo, qui ferebat personam Vespasiani, quod ad Satyros nil pertinet. Nec enim ferebat ita, ut repræsentaret Satyros, sed ut imitaretur facta ac dicta vivi. Quanquam hic Torrentius ex quodam libro veteri legendum putat viri, non vero vivi. Nam ait, *imperitus quispiam, quia funeris sit mentio, vivi, substituit.* Verum ego censeo locum longe aliter accipiendum, quam fecisse Torrentius videtur. Existimavit, ut opinor, Torrentius, sermonem esse de funere aliquo, quod cuius fuerit, indicare

Svetonij

Svetonius omiserit. At mihi sermo esse de ipsius Vespasiani funere videtur. Itaq; retineo *vivi*, ut sit sensus, expressissime Favum illum, & imitatum esse facta & dicta non *viri*, quod hic nimis frigidum, nec facile sic absolute de incerto ignotoq; ponitur, sed *vivi* Vespasiani. Sic enim conveniens erat, quia personam ejus ferebat. Scilicet receptum erat, ut lectum funebrem prairent non imagines familie solummodo, sed imago ejus quoq;, qui efferebatur. Dio de funere Augusti lib. LVI. *Imago autem ejus cerea, habitu triumphali conspiciebatur. Hanc à palatio ducebant consules designati.* Altera aurea ex curia, tertia in curru triumphali ducebatur. Sicut ergo hic in funere Augusti anteibat Augusti imago, ita plane & in funere Vespasiani. Sed gerebat Vespasiani imaginem Favus, qui simul omnia facta dicta q; vivi exprimebat. Debebat nempe similem se exhibere vivo, sicut hodieq; videmus fieri in funeribus magnatum & nobilium. Anteferunt loco imaginum vexilla cum insignibus avorum atq; proavorum. Sequitur cataphractarius, equo insidens, pulcherrimè ornatus, qui vivam mortui referre debet effigiem. Consuetudo ista tota ex Græcis Romanisq; funeribus translata est ad nostra. Nam & in illis ita defuncti præcedebat imago, interdum nuda simplexque, interdum animata expressaque dictis factisq; per eum, qui latens in ferculo gestabat. Quomodo in funere Vespasiani factum, unde quoque Favum tulisse personam Vespasiani. Svetonius ajebat. Nam ferre personam alicujus mea sententia hic significat gestare effigiem in ferculo, atq; gestu corporis ac oratione exprimere eum, qui ejusmodi effigie significatur. Neq; dubito, quin hæc locutio sit propria translata deinde ad personas quaslibet, & personarum functiones. Quomodo & imponere personam usurpatur, item induere personam. Nam *induere* personam dicitur, sicut supra *induere deos* à Tertulliano demonstravimus usurpari. *Imponere* vero, sicut imponere imaginem humeris, de quo pariter est actum. Quando igitur Svetonius de Favō ait, tulisse personam in funere, de persona Vespasiani debet intelligi præcedente lectum funebrem, quam ferebat Favus, sicut quandoq; ferri personæ ac imagines deorum solebant in iudicis Circen-

ibus, ac velut vivam exhibebat gestu ac oratione. Pertinebatque
huc, quod sequitur apud ipsum, quæ sivisse, quanti constaret fune-
ris pompa, item petiſſe, dari ſibi centum ſeftertia, & vel in Tiberim
ſe abjicerent. Hoc enim conveniens erat funebris negotio, & ſe-
pulturæ jam jam peragendæ, & cupiditatem priftinam Vefpafiani
infamia quadam perſtringebat, de qua ab initio Svetonius teſta-
batur. Ut proinde liqueat, non *viri*, quod putabat Torrentius,
apud eum legi oportere, verum *vivi*, ut fit ſenſus, fuſſe hanc con-
ſuetudinem Romanorum, ut ante funera magnatum irent, qui ge-
ſtarent ſimulacra defunctorum, non muta & immobilia, ſed à fe-
rentibus animata per geſtus, facta, dicta, quæ conformia eſſent fa-
ctis dictisq; eorum, cum adhuc eſſent vivi. Dico, hanc fuſſe con-
ſuetudinem, quoniam expreſſe Svetonius hoc factum teſtatur, *ut eſt mos*, quod à nemine hucusq; puto eſſe obſervatum. Ad poſtre-
num ſunt & ferula funerum Plinio memorata lib. X. c. 10. ubi de
milvis; *Notatum in his, rapacissimam & famelicam ſemper alitem ni-
hil eſculenti rapere unquam ex funerum ferulis.* Sed hæc ferula,
qualia jam ab initio nobis expoſita, plena cibis, quæ in tumulis de-
functorum dijs manibus apponebantur. B. Auguſtinus ſerm. XV.
*Miror, cur apud quosdam infideles hodie tam pernitiosus error incre-
verit, ut ſuper tumulos defunctorum cibos & vina conferant, quas ie-
gressæ de corporibus anime carnales cibos requirant.* Delechampius
de cœna funerali accepit. In funeribus, ait, cœna lauta apparabatur,
quam adrogum delatam cum defuncto cremarent. Athoc alienum
eſt huic loco. Nam ſi cremarunt, quid fuit mirum, ſi ex ea milvi ni-
hil rapuerunt? Itaq; nonde iſta cœna ſermo eſt, ſed cibis poſtea
repetitis vicibus tumulo imponi ſolitis, ut dixi. Quo reſpexit &
Tertullianus in de Resurrectione Carnis, ubi ait: *At ego magis ri-
debo vulgus, tunc quoque, cum ipſos defunctos atrocifime comburit,
quos poſtimodum gulofiffime nutrit.* Malè referunt ad cœnam fune-
ralem, quod appetet, quia manifeſte ait primum combustos, &
poſt demum nutritos. Et ſervatur hodieq; conſuetudo illa apud
Moſchos, neque Succis veteribus, alijsq; populis Septentrionis
ignorata fuit.

Cap.